

中國方志叢書·華南地方·第二〇〇號

據

清·戴煥南修，張聚奎纂
光緒四十年刊本

影印

廣西省

新寧州志



9574/13
成文出版社有限公司印行

89191



10095916

中華民國六十四年 月壹一版

新寧州志

全二冊

發行人：黃 成 助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

新寧州志卷之四

附土承襲州土忠州地方案件統歸新寧州知州承審故紀載及之

書記

明洪武二十六年例廣西土官承襲務要驗封司委官體勘別無爭襲之人明白取具宗圖並官吏人等結狀呈部具奏照例承襲正德初令極邊有警地方暫免赴京餘各照舊嘉靖七年例土官病故其應襲兒男查勘無礙止令以官男孫名色就彼襲替權管地方俟著有功勞然後授以冠帶俟功勞再著然後授署職俟功勞屢著然後實授本職九年令土官衙門造冊將現在子職盡數開報

某人年若干歲係某氏生應該承襲禁人若干
歲某氏生係以次土舍朱生子者候有子再報報
弟姪者聽二十八年例應襲土舍曾經調遣効有
功勞者暫免赴京就彼冠帶署印管中夷民待後
功勞顯著方許實授萬曆二十年三院會議土舍
初襲照舊小帽管事三年後若守法奉公兵糧完
足者給冠帶至六年九年勞績愈彰漸次議加署
職實授如有恣肆不檢仇怨構兵及錢糧兵馬負
欠逾期追奪示罰仍立宗枝文薄印貯轄屬該道
遇土官嫡妻生子限一月內具報該府報道封冊

爲日後勘襲左券以杜爭端二十二年例土官一經援納假衣冠生事擾民深爲未便通行一體禁革二十四年例凡土官土舍告加納級等項一體嚴行禁革

國朝康熙初年例土官育子之日卽令報流官轉報督撫存案其現在之子亦令照例報明

忠州土官始祖黃勝奇原籍山東青州府益都縣白馬市人宋仁宗皇祐五年隨狄青征儂智高有功建州治世襲知州傳至黃威慶明太祖洪武二年威慶率子中謹投誠授威慶江州中謹各

元世襲設流官同知吏目左之威慶親長 申立
襲知江州中立絕以中謹管二州事中謹生二子
以智高襲江州智勝襲忠州智勝傳子能文能文
傳子溥溥傳子鏐鏐傳子珊瑚傳子廷寶廷寶死
其弟廷器謀殺廷寶子賢相欲奪其職因興兵攻
圍州治當事討斬之以賢相襲明隆慶三年賢相
爭四都地乘間煽亂未幾勢窮被執賢相遂斃於
獄議設流官不果以賢相子有翰襲翰傳子尙中
尙中傳子安國安國死無嗣庶兄安邦襲安邦傳
子繼先繼先死無嗣叔安智襲安智死無嗣弟安

信襲安信傳子光聖

國朝予舊職光聖傳子隆基隆基傳子紹宗紹宗因病乞休嫡妻無子其庶生之長子鑑應襲雍六年具

題奉

旨准襲

通志參太平府志及土州冊

按兩江谿洞舊爲荒服唐貞觀中諸夷內屬始置羈縻州隸鄜督府以其首領爲刺史宋參唐制析其種落大者爲州小者爲縣又小者爲峒推其雄者爲首領籍民爲壯丁以藩籬內郡其

蠻長皆予世襲分隸諸砦總隸於提舉司元豐
以後尙蠻長多寄內地納粟授官子弟有入爲
州應舉者居室輿服僭擬公侯其州縣雖日罷
糜租稅不供威令不行砦官非惟墮不舉職且
日走尙官之門提舉官亦不復威重與之交關
通賄賂間有自愛稍欲振拔者諸尙必汙染之
使以罪去甚則酖焉元以兩江羈縻州縣俱屬
南甯帥府分司管轄而上下相通姑息尤甚夷
俗狃於仇殺往往侵盜邊境莫之能制賜初兩
江土蠻東泝交關西緣牂牁際滇之廣徭莫不

納土歸款願貢方物乃因舊疆稍稍增省各府
州縣予其長吏以世及之典外銓流官佐之郡
有丞州有目削絕者始以流官代焉而諸土官
奉約束一徵召惟恐後時正統以後吏道雜而
多端中涓武弁視土官爲外府而漁獵收之故
土司怨忿多不用命視文告若土苴徵發不時
至又其權足以專生殺財足以侈上供僭上虐
下漸成尾大不掉之勢且明之武備廢弛往往
藉土司之兵以克敵由是日益驕縱而我別無
以制其命

國朝定鼎令之以文齊之以武左右兩江各設大帥
駐之宿以重兵諸要害地皆有偏裨分守營堡
相望奸無所伏間有竊發勦捕立盡總之無用
其兵無取其財故土司懷德畏威奉法唯謹爭
相世保土田以勿替云爾

咸豐間土屬疊遭寇氛財物散失土官貧苦過半
其代理人員祇顧目前之利徃徃私賣陋規以肥
囊橐其實任者或貸錢于殷戶而以來年錢糧減
成免收爲此積欠纍纍日深一日兩江土屬多
黃姓忠江遷三屬同祖黃勝奇忠與江宗葵尤近

黃姓每自爲婚姻而嫌於同姓稱其女家曰廣下
氏廣字下是黃字故以此易之或曰重氏土官但
取鄰土屬女爲妻不肯與該處紳民通嫁娶平日
役其屬民如僕隸然凡民家有女稍有姿色土官
任意挑選爲妾或收留數月遣還伊家者有之今
則稍知忌憚土民亦不盡俛首順從矣 凡土官
生子屬內沿門各分紅蛋一只民家各獻一鷄以
賀 土官見伊父母及尊長輩皆自稱小的屬內
生員見土官亦然 土官多不諳文理凡地方公
事該幕友家丁及劣紳等每從中把持官訟無分

原告被告第較財之輕重以定曲直故土人視
畏途凡訟事多赴承審衙門控告土官多忌土
人上進該土童雖有志應試土官不肯概行錄送
恐其得志後與己爭權也

貢馬

貢物前代無考按元史世祖至元二十二年冬十
月中書省定蠻崗歲進馬五十匹及雨璫佩刀丹
砂雌雄黃諸物率二歲一上帝曰從其所爲勿加
過督未言爲廣西土司也文宗天曆二年九月甲
戌廣西思明州黃宗永遣子入貢亦不言所貢之

物明洪武間創三年朝覲入貢一次布政司給文起送限卽年十二月終到京貢物隨地所有不拘成例嘉靖元年議入貢馬就彼變賣銀兩貯庫降香黃蠟茶葉等物重五十五斤爲一損每損賞潤生絹二疋其例久停

國朝土司額辦貢馬例定三年一貢每馬一匹原折價銀一十二兩外水脚銀每兩三分乾隆二年欽奉

恩詔減價銀四兩每匹實辦銀八兩

忠州土州貢馬二匹

歸德土州貢馬一匹

果化土州貢馬一匹

遷隆崗貢馬一匹

諸蠻

粵蠻有猺獞獠狼山子蜚人諸種相傳元至元間
猺獞來自湖北恐未必然或謂猺猺也粵右土著
先時就撫籍其戶口以充徭役故曰猺獞獞也粵
之頑民性喜攻擊獞故曰獞獞獞也好夜獵集
炬以照故曰獞其賦性饕餮血食腥穢室中坐卧
惟草故謂之狼其男女黎黑徒跣所至砍山種畝

故謂山子又名山猺。蜚則瀕水而居，操舟爲業，不事耕織。平日惟捕魚供食者也。新寧本諸苗地，然遍詢土人，其遠祖自外來者十之八九。初至多在城市，漸而散處四鄉，與土民結婚姻，通聲氣，數傳後，巖棲谷隱，習慣自然，人人得以獐獠目之矣。非獐而獐，非獠而獠，其居使之然也。查州中土著非獐卽獐，獐俗與獐略同。自昔攻剽爲患，今則供租賦，遵教令，較民尤爲易治。屬內無獠，狼山子蜚則沿江有之，亦有鄉曲。民駕船營利，淪落多年，非蜚而漸變爲蜚者半。

朝威德遠播中外畏懷黃面洗心渾忘形迹見者
莫辨其爲民爲猺爲獐其亦足以徵

聖化歟

襍氣志

新州軀胎於土唐有西原之叛宋有申崙之寇元則上思叛蠻黃勝許滋擾華陽明則思忠兩土酋垂涎四崙隆慶以前歲歲構兵幾如晉楚之爭鄭及段崙爲都地方稍定不數年黃賢相復煽四都之民狡焉思啟

國初桂藩息喘邕南戰爭疊出寇賊繁興至康熙十三年乃盡撲滅唐宋以來凡有一亂者必有一治嗣是歷百有餘年人不知兵益州屬之治平久矣道光之季奸徒相聚爲盜內憂外患旋撲旋起